

与君书笺选



编辑说明

为纪念马君武先生一百周年诞辰，特编印本诗选。

马君武先生对中外文学的修养根基甚深。他除参加民主革命，从事科学、教育工作外，自幼好作诗歌，早岁入南社，与柳亚子诸先生往来酬唱，甚负盛名。他所作诗歌，近代诗集皆有选登。这些诗歌，都与他的生活、思想息息相连，其中多有发爱国之情怀，为民主而呼号，悲歌慷慨，振奋人心者。当其游历欧洲期间，为介绍西方民主思想与文学，翻译外国作品亦不少。惜其平生对自己的作品，不注意保存，至今多已散失。现选印的一百多首，只占其中一部份，且非尽其精华。本会搜集整理不周之处，请读者原谅！

广西纪念马君武先生诞生一百周年筹委会

一九八一年七月

目 录

归桂林途中（庚子一九〇〇）	（一）	贱如蚊（哀征兵也）	（十一）
送某君行	（一）	伊豆杂感（丙午一九〇六）	（十二）
身 家（庚子一九〇〇）	（二）	十一月三日隐元和尚生日，以菊花清酒吊其墓。	（十四）
居汪千仞家	（二）	京都寄宿舍	（十五）
漓江舟中	（二）	岚山观樱	（十五）
偕谢无量游扬州	（三）	拉沙儿	（十五）
西湖	（三）	京都荒神桥	（十六）
杭州拜岳武穆王墓	（三）	地球	（十六）
壬寅春送梁任父之美洲	（四）	七思	（十七）
自 由（癸卯一九〇三）	（五）	惜离别赠陆女士 选三首	
禹 陵（癸卯一九〇三）	（五）	（丁未春一九〇七）	（二十）
癸卯中秋在京都看月忆亡友欧阳华	（五）	去国辞	（二十一）
从军行（甲辰一九〇四）	（七）	赠虞君	（二十二）
壁他利亚（甲辰一九〇四）	（八）	自上海至玛赛途中得诗十首	
寄生虫	（八）	（丁未一九〇七）	（二十三）
京都（丙午三月一九〇六）	（九）	别巴黎友人	（二十六）
贺高剑公新婚	（九）	别英伦	（二十六）
中国公学校歌	（十）	劳登谷独居	（二十七）
		寄南社同人	（二十八）

- 劳登谷寄柳人叔…………… (二八)
 蒲芦塞逢中山先生先生将以翌日适
 伦敦…………… (二八)
 寄高旭…………… (二九)
 重到Brussel 七日而行…………… (二九)
 COIN…………… (三十)
 自Heimbach步行群山间至Urstha
 Ipern乘电舟至Garn Und…………… (三十)
 Trier于初世纪已有罗马人至，其后叠
 属德法，卒归普鲁士。地临莫差mosel
 河，产葡萄酒有名。于十三世纪已
 能造磁器云。…………… (三一)
 宿Ems见鲁意沙…………… (三一)
 游拜伦Bayern (南德王国) 选一首
 ……………… (三十一)
 辛亥六月至Riesengebirge为地质
 旅行…………… (三十一)
 赠胡适 (辛亥一九一一)…………… (三三)
 别桂林 (壬子一九一一)…………… (三三)
 读史杂感 (丙辰一九二六)…………… (三五)
- 故乡 (丙辰一九三六)…………… (三五)
 贵县过彭姬人墓 (辛未一九三〇)…………… (三五)
 哀沈阳…………… (三六)
 石浪赠盘鹤山 (癸酉一九三三)…………… (三七)
 悦城龙母庙…………… (三八)
 示梁生 (甲戌一九三四)…………… (三八)
 雁荡纪游 (乙亥一九三五)…………… (三九)
 天台山…………… (四十)
 西天目…………… (四十)
 淮阴…………… (四十)
 扬州…………… (四一)
 抗日纪事诗 (丙子一九三七)…………… (四一)
 三·卅纪事 (庚辰一九四〇)…………… (四二)
 译 诗
 朱丽客Liljuna 德·贵推 (歌德) 著
 ……………… (四二)
 缝衣歌 英·虎特Thomas Hood著 (四四)
 哀希腊歌 英·裴伦著…………… (四六)
 阿明临海岸哭女诗 德国·文宗贵推
 Goethe著…………… (五一)

归桂林途中
庚子一九〇〇

苍茫今古观天演，剧烈争存遍地球。
匹马远乡怀故旧，孤灯深夜读离忧。
漫漫朝野真长夜，破碎山河又暮秋。
游罢南溟思故里，有亲白发欲盈头。

送某君行

友人一夕忽来辞，腰剑肩枪赴北非。
痛哭荆榛沦祖国，独行沙漠猎雄狮。
冥冥孤往当如此，郁郁徒居何所为？
携手为言与偕往，小人有母未能随。

身 家慶子一九〇〇

身家小比蝼蚁卵，世界多于恒河沙。重重叠叠古今法，生生死死春秋花。

居汪千仞宅

莫更萦魂忆沈郎，故乡近事太荒唐。楼台寂寂鬼声远，起写怀人书几行。

漓江舟中

断岸凄风扑扑吹，远村群犬吠声悲。夜深短艇思往事，茫茫前路我何之？

偕谢无量游扬州 壬寅一九〇二

风云欲卷人才尽，时势不许江山闲。涛声寂寞明月没，我自扬州吊古还。

西湖

柳色逢春无限青，含愁独过湖心亭。茫茫云水数间寺，了了根尘一卷经。无主河山惟破碎，有情萍絮自零星。梅花已尽余荒冢，不见孤山处士林。

杭州拜岳武穆王墓

西湖杨柳映朝霞，自结花圈献岳爷。国会冤刑苏拉第，敌军威慑汉尼

巴。君臣昏聩河山耻，父老遮留将士涕。正气销沉君莫问，黄龙今日属谁家？

四

壬寅春送梁任父之美洲一九〇二

其一

大地满秋气，中原多胡尘。海水激飞轮，道君又东征。

其二

春风别卢骚，秋雨病罗兰。人事日蹉跎，怆惻摧心肝。

其三

千古两箴言，四海几同道。神州风云恶，祝君归来早。

其四

抚剑惜青锋，饮冰疗内热。志士多苦心，临歧不能说。

自 由 癸卯一九〇三

西来黄帝胜蚩尤，莫向森林问自由。圣地百年沦异族，夕阳独自吊神州，为奴岂是先民志？纪事终遗后史羞！太息英雄浪淘尽，大江呜咽水东流。

禹 陵 癸卯一九〇三

勤俭成功死会稽，神州人物此摩西。剩水残山寻旧迹，苔花蚀尽禹陵碑，

癸卯中秋在京都看月忆亡友欧阳华

其一

死者无言生者悲，飘流三岛我归迟。疏林流水中秋月，犹忆荒山共语

时。

其三

生别已悲况死别，情话于谁向谁说？
西向酹酒吊鬼雄，千秋遗恨燕山月。

其三

天涯客死孰招魂？有父年衰尚倚门。
清夜思君百回哭，亦关公义亦私恩。

其四

桂山共学曾三月，漓水辞君已四年。
不尽临歧亲爱意，送行远过斗鸡山。

从军行 甲辰一九〇四

北狄寇边郡，飞电羽书急。军人别慈母，整装赴前敌。母亦无所恋，母亦无所愁。生儿奉祖国，岂为室家谋？儿父战死日，儿生未十年。不辞教养劳，望儿成立贤。教儿读历史，往事足歌泣。祖国岂不美？世界昔第一。教儿练身体，丈夫之本领。周处杀三蛟，项籍力扛鼎。教儿习射击，典钗买枪剑。刺肌戒爱国，隐隐字可见。儿今年二十，投身事戎行。父志既已继，母愿亦已偿。北狄吾世仇，膺惩今所急。祖国尺寸地，不许今人失。母亦无所愁，母亦无所恋。不望儿生还，恐儿不力战。

壁他利亚 甲辰一九〇四

雌雄牝牡万千族，都似壁他利亚生。簇簇石层知地寿，荒荒物竞值天行。且流吊古数行泪，遂起怜他一片心。昨夜舟人赍信至，为言赤遂有流冰。

寄生虫

群群同是寄生虫，忽忽乘机遂一逢。黄白众生犹草昧，东西大陆尚鸿蒙。只须拜热为先祖，直到成冰是善终。才过早秋又春暮，满窗浓绿覆梧桐。

京 都 丙午一九〇六

山深三月犹微雪，林密长宵觉峭寒。图籍纵横忽有得，神思起伏渺无端，百年以后谁雄长？万事当前只乐观。欲以一身撼天下，须于平地起波澜。

贺 高 剑 公 新 婚 丙午秋一九〇六

娶妻须娶意大利，嫁夫当嫁英吉利。我读欧史每怀疑，知是英雄欺人语。罗马诗豪说但丁，世间童孺皆知名。自知一卷欢神曲，吾妇烟时披里纯。只今更说偷通族，地球到处立新国。史家谓是妇人力，殖民辛苦家庭乐。化学有要旨，分子之原是原子。吾民未造新家庭，侈言

新司徒为耳。金山高剑公，与吾言此理。自筑万树梅花庵，造新家庭
自隗始。二十世纪之六年，秋中花好明月园。天地欢喜群灵集，我来
听咏关雎篇。七龙五凤然华烛，莞蒹桃笙陈绮席。天女排云拥桂冠，
飞仙奏伎张钧乐。我祝高剑公，并祝剑公妇。澄清天下先一室，改革
社会联双臂。猗欤休哉！琉璃之杯香雪酒，举杯齐起为君寿。

中国公学校歌

其 一

众学生，勿徬徨。以尔身，为太阳。照尔祖国以尔光。尔一身，先自
强。修道德，为坚垒；求知识，为快枪。

其二

众学生，勿徬徨。尔能处之地位是大战场。尔祖父，思羲黄。尔仇敌，环尔旁。欲救尔祖国亡，尔先自强！

贱如蚁
哀征兵也

祖国失地数万里，四夷交侵国危矣！江南男儿挺身起，腰剑肩枪从军始。强国光种乃面体，其点今自征兵起。老母牵衣哭不止，好铁作钉古所耻！儿今此行胡为耳？儿生七岁儿父死，儿生一人无兄弟。辛苦教儿读书史，儿今成人母心喜。一朝从军去，老母何所倚？绝裾而去去如矢，送行之人不知几。万岁之声呼不止，祝君战死为雄鬼。一朝新兵入营垒，旧兵侧目相排抵。警吏和之相附比，举枪掣棍群相拟。前

有猛虎后苍兕，报仇自卫非所已。总督怒，提督惧，惧为新兵罢官去，屠杀新兵如牛豕。新兵二人梟于市，警吏之罪置不理。国家律例明如水，斗殴杀人绞罪止。何况斗殴人未死，国家律例等虚纸！生杀但凭提督意，提督之意即律例。提督红顶贵无比，新兵之命贱如蚁！吁嗟乎！新兵之命贱如蚁！

伊豆杂感
丙午一九〇六

其一

四围新树绿鬚鬚，汤本围亭瀑布寒。大陆风云卷不去，却未伊豆看青山。

其二

培养雄心与爱根，十年潦倒自消魂。
征衫欲浣犹珍惜，上有伊人眼泪痕。

其三

去国离家人寂寞，断桥流水月昏黄。
远闻拍岸海潮急，自倚小楼思故乡。

其四

海上邮船去复回，苍茫云水渺予怀。
含情愿与邮船说，为载沧州张溥来。

（溥泉今更名继）

其五

哀怨深知杜宇悲，己身飘泊劝人归。
频年内热成何济？且饮寒冰杂比儿。